

續日本後紀


七

部史歷
第二
第五
共一〇冊
號

和書門	類	四二四九二號	函	三二一	架	一〇冊
-----	---	--------	---	-----	---	-----

內閣文庫	和書	四二四九二號	函	一〇冊
------	----	--------	---	-----

內閣文庫	番號	和 42492
	冊數	10 (7)
	函號	137 139



續日本後紀卷第十二起十年正月盡十二

太政大臣從位臣藤原朝臣良房等奉 勅撰

十年春正月庚寅 廢朝賀諒闇也 大臣

正二位藤原朝臣諸嗣上表乞骸骨優詔不

許之散位從四位上伴宿祢友足率友足延

曆廿二年任内舍人弘仁之初除左衛門大

尉弘仁五年叙從五位下拜右兵衛佐天長

六年兼加賀守遷遠江守常陸公十月任充

續日本後紀卷第十二

衛門佐十年授從四位下友足爲入乎直不
忤物情頗有武藝最好鷹犬與百濟勝義王
同時獵狩也但其用心各不同耳勝義王獲
鹿不必分其肉友足厭御贄餘偏遺諸大夫
一禽不留由是諸大夫之戲言至閭樂王縱
以友足配惡趣我等救之必令脫出謬以勝
義赴津剝我等亦陳訴擗墜泥黎友足年六
十六卒自知屬纊之期沐浴束帶無病而終

有識異之矣曰生處可識之人也 丁酉皇
太子參大極殿取勝會但不奉音樂以過密
之內也勅如聞疫癘間發死者多加之狂
祚發号示不祥宜始自來二月迄干九月每
八日令十五大寺及七道諸國國分二寺并
定額寺名神等寺誦仁王般若經 丁酉上
野國新田郡人勲七等大養子羊弟真虎等
二人賜姓文部 戊戌左大臣藤原朝臣緒

嗣重上表

云

云

勅猶不許

庚子授正六

位上春枝王外從五位下御輔朝臣真男正
六位上藤原朝臣世數安倍朝臣甥磨齋部
臣時枝常道真人兄守安倍朝臣甥磨齋部
宿祢木上並從五位下正六位上山田宿祢
父雄山代宿祢氏益並外從五位下皆欲遣
治國及官特所叙也 辛丑以從五位

下紀朝臣野長為少納言從四位下豐江王

為中務大輔從五位上長田王為民部大輔
從五位下安倍朝臣甥麻呂為主計頭外從
五位下多朝臣淨繼為山城公從四位下紀
朝臣若江為大和守外從五位下山田宿祢
文雄為公從五位下丹墀真人外成為河內
守從五位下有雄王為根津守從五位下布
瑠宿祢高負為加賀守正五位下長岑宿祢
高名為伊勢守從五位下常道真人兄守為

尾張、从五位下丹墀真人石雄為駿河、从
從五位下櫛朝臣時枝為甲斐守、從四位下
藤原朝臣長良為兼相摸權守、左兵衛督如
故從五位下林朝臣常、為武藏、从外從五
位下御春宿祢清庭為安房守、從五位下文
室朝臣真室為下總守、從五位下藤原朝臣
世數為上野、从從五位下愛宕王為若狹守
從四位上源朝臣生、為加賀守、從五位上石

川朝臣永津、為从從五位下春枝王為能登
守、從五位上佐伯宿祢利世為兼越後守、左
近衛少將如故、正五位下宮道為因幡守、從
五位下扇部宿祢、上為伯耆守、從五位下
安倍朝臣安正為出雲守、從五位上佐伯宿
祢春海為安藝權守、從五位上藤原朝臣良
相為兼阿波守、内藏頭左近衛少將如故、從
五位上清原真人東賀為土佐守、从從五位

續日本後紀卷之三
下山代宿祢氏益為豐前、左大臣正二位藤原朝臣緒嗣上表言、踟躕暮景、側足重泉、仰堯闕而待繁、顧衰朽以知止、而礼光之杖不聽遊於戶庭、廣德之車不得懸於私館、此則聖皇叡思、無窮議及胡耆、臣數年卧疾、不自支持、天命未除、免先泡露、然而氣力咸盡、恐公鼎之折足、恩流既盈、悔廟噐之致、敲乃再三表奏、生死在斯、陛下猶纏印綬、而在位、因

為優老之賜、請紜朝衣而就第、將為終焉之賞、不堪蒙昧之至、頻觸天聽、丁未、勅報曰、省表具之深、以悲感朕自在、大哀荒衿、迷謬雖迫、貴制不能自勉、是以政無小大、聽干家職、然則恩信之勤、頂倍常日記委之情、當在此時、而認意褫服、致誠懸車、前後累上、確車不移、殆將依請、則具瞻之寄、闕之於國、縱不遂望、則高矣之求、損之於公、畢景終宵、思

服成疾然義不在虜信終歸誠哉頻抑冲祈
恐永傷乃懷故屈朕懇慕申公謙退望朝端
而空座薛宸階以生塵徘徊于此心無所厝
但至道不限大忠充終公家之有充王室之
利害而言之不譁議而不盡復猶相累幸勿
益玉乃昔是即所以相共終始之大望也春
寒想強加飡指不及及 癸卯最勝會竟引
名僧十餘口於紫宸殿令論義訖施御被命

婦從四位下大宅水取朝臣繼主卒 甲辰
中務省言案令條京畿畿内七道諸國庚午
年籍應在省中而不載年終帳遙遷代前司
等充心言上久致遺漏若不申頭恐有後責
者冷左右京畿五畿内七道諸國寫進焉右
京畿言近江國坂田郡人尾張連繼主祖父
比知磨三條三坊人也而父秋成偏隨冊居
已附外籍者繼主一人男一人邴改邊籍貫

附三條三坊 庚戌勅左丞相藤原緒嗣先朝之元勳而朕之舊德也近功成名遂老歸於弟朕以几杖禮優之不敢負公之故然政之資賢相猶病之待良醫永言于此戀慕弥深夫鬼神有智體清慎者壽命永福祿無主履忠孝者子孫昌正五位下右馬頭藤原朝臣春津是公之孝子特可授從四位下以慰目前 壬子授從四位下紀朝臣名虎正四

位下正六位上伴宿祢善男從五位下 丙辰左京人位子從八位下俊連豐足等二人賜姓弘村連纏向日代官俊民之長鳥之枝別也故以俊為焉 丙辰義濃國山縣郡少領外從八位上勝淨長等九人賜姓中臣義濃連中臣氏祖津速魂命之苗裔也 二月庚申朔日有蝕之 壬戌外從五位下味真公御助麻呂為越中叡散位從四位下勳七

等大野朝臣真鷹卒左近衛中將從四位上
 勳五等真雄之子也弘仁元年任春宮坊主
 馬首漸歷左兵衛右衛門少尉十二年叙從
 五位下至散位頭太監物左兵衛佐淳和天
 皇踐祚天長之初任右近衛推少將以舊臣
 也尋授正五位下轉中將九年授從四位下
 天皇脫履御閑之日猶留真鷹身於公家是
 歲冬十月供大嘗會陣畷自視兵仗惟与權

中將藤原助和退去隱干望熹弟余後不復
 出仕焉真鷹雖素无文学且好鷹大而砥礪
 從公夙夜匪懈又平生抽割俸分寫經造像
 不使人知至若自供艱重修吟復家家死追
 福之煩父子武家而同此行迹觀者歎息惡
 我不如厥後被拜紀伊權守未之國卒時年
 六十二已已以從四位上藤原朝臣助為
 參議從四位上南洲朝臣永河為刑部卿參

議從四位下女倍朝臣女仁為兼彈正大弼
春宮大夫下野守如故從四位下橘朝臣氏
人為兼神祇伯尾張守如故從五位下在原
朝臣行平為侍從從五位下百濟王忠誠為
大監物從五位上春澄宿祢善繩為文章博
士外從五位下紀宿祢福善為造兵司正從
五位上丹墀真人門成為刑部大輔從五位
下善友朝臣豐宗為大炊頭從五位下女棟

王為內膳正從五位下興世朝臣高世為右
京亮從五位下藤原朝臣常永為勘解由次
官從五位下淡海朝臣真伴為左兵庫頭從
五位下百濟王永仁為右兵庫頭外從五位
下山代宿祢氏益為山城人從五位上清原
真人遠賀為河內守外從五位下迺境宿祢
末守為安房守從五位下伴宿祢善男為讚
岐權人從五位下御輔朝臣真男為土佐守

外從五位下御野宿祢清庭為豐前公 甲
戌播磨國飭磨郡人散位正七位下叫綿麻
呂賜姓春永連元夷種也 三月庚寅朔辛
卯從五位下橘朝臣海雄為彈正少弼從四
位下藤原朝臣長臣為山城守 丙辰義濃
國山縣郡少領外從八位上均田勝淨長等
九人賜姓中臣義濃連中臣氏祖津速魂命
之苗裔也出雲權守正四位下文室朝臣秋

津卒大納言正二位智努王之孫從四位下
勲三等大原之弟四子也弘仁七年叙從五
位下明年除甲斐守後任武藏公天長之初
補左兵衛權佐二年加正五位下遷左近衛
中將八月叙四位六年拜參議七年兼右大
辨九年兼武藏守遷左大辨十年兼春官大
夫兼和元年上表乞停左大辨左近衛中將
等職 勅停左大辨二年遷右近衛中將七

月任右衛門督監察非違家是其人也亦論
武藝足稱驍將但在飲酒席似非丈夫每至
酒三四杯必有醉泣之癖故也九年秋七月
連坐伴健岑等謀反之夏左降出雲負外守
遂終于配處時年五十七 丁酉上野國新
田郡人勲七等大類子羊茅真處等二人賜
姓文部臣 辛亥以縫殿頭正五位下南野
王為左兵庫頭 壬子相損國大住郡大領

借外從五位下壬生直廣主授外從五位下
以去永和七年國司褒舉今依格所授也
甲寅令義倉物賑給東西悲田病者及貧窮
者勅曰加間頃年之間得度之輩累艱遠路
迴向茂所而依無定限徒引教句論之物意
頗背穩便今須度者勘籍三月卅日以前勘
定申畢起自四月一日七夕日之間依例修
懺悔始從八日即令授戒授戒之後會集同

寺俾修安居自今以後立為恒例 四月巳
未朔捕刈陵守等言去月十八日食時山陵
鳴二度其聲如雷即赤氣如飄風指離飛去
申時亦鳴其氣如初指先飛且遣參議正躬
王加檢察伐陵木七十七株至栝木等不可
勝計使即勘當陵守長百濟春繼上奏矣座
梅宮正五位下酒解神從五位下大若子神
從五位下小若子神三前並奉授從四位下

從五位下白壬午祭來酒解神一前正五位
下並預名神 乙丑從五位下伴宿祢清貞
為綏殿頭 壬申授正四位下平朝臣高棟
從三位 丁丑山崎神預之名神 壬戌遣
使祭廣瀨龍田二神例也陸奧國言諸團軍
穀等歎云兵士年役六十箇日分結六番以
旬相代口食私糧身直城塞而道路遼遠頗
疲徃還家居少日何存產業因茲逃散者多

民不安堵望請更加一千人與本并八千人
分結八番延彼番程以息弊兵唯不更置團
周加諸團者許之式部省言承前之例以諸
勘籍人補諸司番上諸衛府舍人靜言更由
尤為出身夫出身之難自古而久當今之世
動易脫畧望請先立限之外悉經一選補他
色奏可之但外考補坊舍人同舍人遷他色
及依理解却之類每年廿人特聽出入中宮

后宮亦同此例自今以後立為恒例陸奥鎮
守將軍從五位下御春朝臣濱主言健士元
勲位人也既脫調庸亦无課役兼前之將撰
其武藝特号健士給粮免租結番直戍而勲
位悉盡無人无行仍任格旨老行白丁全給
公粮兼免調庸人同役異也請射下健士准
兵士下兵同令役修理城隍許之 已卯使
參議從四位上藤原朝臣助掃部頭從五位

下坂上大宿祢正野等奉謝指列北南二山
陵依去三月十八日有奇異搜檢圖錄有二
指列山陵北則神功皇后之陵倭名大足南
則成務天皇之陵倭名雅足世人相傳以南
陵為神功皇后之陵倭名大足每有神功
皇后之崇空謝成務天皇陵先年緣神功皇
后之崇所作弓劍之類誤進於成務天皇陵
今日改奉神功皇后陵 辛巳參議正四位

下三原朝臣春上上表致仕許之 五月巳
丑朔日赤无光終日不復非雲非霧黑氣且
天至干市後時時日見其色黃赤 辛卯令
神祇官陰陽寮解謝之是日午刻日色明潔
也 癸巳停馬射節諒闇也 丙申又為鎮
内裏物恠并日異屈百法師限三今日
讀藥師經於清凉殿修藥師法於常寧殿轉
大般若於太極殿諸司醋食兼禁殺生石見

國羨濃郡分割為兩郡本郡依舊為羨濃郡
新郡取邑号为鹿足郡其職負者准小郡折
元四負分取一人更加一負物置二負本郡
則准下郡置二負武藏國那珂郡元未小郡
官負約小而今戶口增益結定四卿收多職
少不堪復行掇准令條誠裕下郡改小為下
更增一負又讚岐國大内郡小郡只有領帳
領則領調入京帳猶留國贅務非常移病无

人從公加之卿戶甲數既堪下郡改小為下
加領一負焉一品式部卿葛原親王遣男從
三位大藏卿平朝臣高棟詣朝堂抗表曰倦
禽知暮自是反林之時老馬傷羸亦為統駕
之日遠取諸物近喻於身島物之情人亦不
殊臣才識空虚駑駘駑怯猥以瓊樹之業花
銀滿之涓滴出宗室之先位人臣之上誠當
償德之期生死無終記恩之處魂魄有遺豈

取欽斯獨善尚彼高冲然而年隨日積病與
老和一日伏枕四支委廢漸以過日弥覺衰
耗縱有殘喘知非全身夫吏部者人物之衡
銛吏職之清要填案盈几何須暫曠伏願還
於天工以利王職臣聞天道禍滿人道福謙
儻因一退時得再生則庶暫留泡露重瞻闕
庭不許之 辛丑地震 壬寅大登殿上御
座前參議以上座邊反吐土并遺屎 癸卯

文章得業生正六位下和氣朝臣自臣對策
判之為不弟焉指列山陵守丁聽隨闕老京
戸并浪人以當士無人老課也 辛亥奉授
從五位下酒解子神從四位下 甲寅 勅
宛油一斛正稅三百束於故京本元興寺六
月十五日万花會十月十五日万燈會以此
兩日每年修之立為恒例 六月戊午朔今
知古事者散位正六位上菅野高年於内史

房始讀日本紀ヲ 辛酉制去弘仁四年二月
勅僧尼有身死并還俗其度緣戒牒早令進
省省即年終申官毀之曰諸國國分二寺僧
尼度緣死闕之日依前令進但請補國分二
寺僧尼之闕先進度緣然後補之若乖此旨
科違勅罪 甲子右京人六世長谷王鳥嶋
王池子女王七世小長谷王等四人賜真春
真人姓始置主計主稅二寮寮堂各二人

期在

解由使及京職以難
世身人堪事者神之

乙丑肥後國阿蘇郡

從三位勳五等健甞龍命神社神主河內國
河內郡從一位勳三等平皇太神社神主等
永預把笏 戊辰叅議從三位勳六等兼越
中守朝野朝臣鹿取薨鹿取者元大和國人
正六位上忍海連鷹取之子也叔父從六位
上朝野宿祢道長為子出身延曆十一年自
言扁父戸追賜父鷹取姓宿祢即入京少遊

大學頗涉史漢兼知漢音始試音生任相摸
博士後登科為文章生自此累遷遣唐准錄
事太宰大貳式部錄左太史左近衛將監等
職弘仁二年恩勅叙從五位下以帝苦在藩
之日侍講也二月補左衛門佐十二月服解
三年奪情除近江人五年遷右近衛少將七
年兼主殿頭十二月兼因幡人八年加從五
位上兼任內藏人上野守少將如故十年加

正五位遷兵部大輔相摸人少將尋授從四
位下五月復除兵部大輔十二年遷中務大
輔五月遷民部大輔六月復中務大輔十四
年遷左中弁天長四年加從四位上二月除
太宰大貳上表乞解大貳不許十一年六月
拜參議十一月兼式部大輔兼和元年七月
停式部大輔遷左太弁七年加正四位下九
年授從三位兼越中守立性謹慎臨宣明了

以吏幹稱能收人譽至小藝善大歎慶時年
七十 壬午伊賀尾張參河武藏安房上總
下總近江上野陸奥越前加賀丹後因幡伯
耆出雲伊豫周防等十八國飢 勅加賑恤
乙酉從五位下橘朝臣貞根為中務少輔
藤原朝臣宗吉為大監物從五位上御船宿
祢氏主為兼越中守大學博士如故 丙申
左京人從五位下春枝之王之子六世岑正

是子女身子女王正六位上秋枝王之子六
世正六位上令根王之子安繼王清淵王易
野女王五世正六位上永根王之子良長王
良雄王良氏王瀧子女王等七人賜姓清瀧
真人三品忍壁親王之別也 秋七月戊子
朔丁酉奉幣於天下名神令祈百穀是日
勅會去年七月十四日八月廿七日兩度恩
赦諸國未得解由之輩式訴諸司偏緣洪恩

只放解由至千造會赦張令加其名寄事彼
此拒以不暑此則乖詔書所指復似隱舊有
須彼張進之後乃與解由但後司所即豈有
不平准不與解由狀加所執亦前被放許之
類奸道不署修解言上未署之間五位已下
不論京官外任乃散位物惣奪位祿六位已下
同沒季祿公廡無職之人不預叙用 庚戌
致仕左大臣正二位藤原朝臣緒嗣薨依例

遣使監護喪吉遣言不受焉詔曰念功惟深
懷德即舊物惣天工之綱紀為人臣之重望况
平自朕幼郁比翊王室志同鷹集慘均松筠
夫哀以悼往采以飭終宜崇寵增用光幽壤
可贈從一位緒嗣者參議正三位式部卿太
宰師宇合之孫而贈太政大臣正一位百川
之長子也桓武天皇延曆七年春喚緒嗣於
殿上令加冠焉其襟頭巾子皆是乘輿之所

徹也即授正六位上補內舍人賜劔勅曰是
汝父所獻之劔也汝父壽詞于今未忘每
想像不覺淚下今以賜汝宜其失焉尋賜封
百五十戶十年春授從五位下時年十八補待從
中將少將兼常陸內廐頭俄遷衛門佐十六
年秋七月叙正五位下未及狹衣授從四
位下時年廿四尋轉衛門督兼出雲守造西寺長
官右衛門督廿一年六月行幸神泉苑是日

有宴令緒嗣彈和琴帝喚大臣耳語良久帝
乃流涕更召皇太子親王等令陪殿上即詔
曰微緒嗣之父予豈得踐帝位乎雖知緒嗣
年少為臣下所恠而其父元功予尚不忘宜
拜參議以報宿恩大臣奉勅便起引唱時年九
九尋兼山城但馬守大同二年加從四位上
為山陰道觀察使兼左大弁是歲刑部卿遷
東山道使兼陸奥出羽按察使冬十月加正

續日本後紀卷十三
四位下弘仁年中遷右兵衛右衛門等督停
按察使類兼義濃近江等守薛脫武官遷宮
內卿兼河內守尋叙從三位拜中納言俄授
正三位遷民部卿轉大納言授從二位兼皇
太子傳天長二年拜右大臣返上封十戸九
年轉左大臣弘仁以降薛職之表已過十上
三朝憂詔不許之緒嗣朝臣曉達政術臥治
王室國之利害知無不奏但有兩人說一事

其一一人先所談是漫語也一人後所道乃真
實也而確信先談不容後說有茲偏執為入
所刺薨時年七十是日遣使奏幣於伊勢大
神宮為祈秋稼也 辛丑修嵯峨太上天皇
周忌看會先是司奏言周忌看日的在七
月十五日壬寅伏按朝章至行凶事三宮本
命之日猶且忌避而况重乎太皇太后及聖
上御本命在伏請會之期却取十四日辛

丑也。有司所奏，僉以為宜。太皇太后亦許之。而中納言源朝臣信叅議源朝臣弘等執奏言：「臣等奉遵顧命，期不違失。今如斯議，班遺誥何者？遺誥曰：『勿拘俗。』真然則何須拘忌？又曰：『送葬勿過三日。』縱當彼時三日之內，有寅者避之耶？又彼年周忌，或有寅日，亦猶避之耶？上因執奏不能面議，勅令大納言藤原良房朝臣與諸公卿議定。奏曰：『奉命之日，不奉

凶事，復古之蹤，非無所據。謹奉遺詔，勿拘俗。又蓋謂卿曲所忌碎事，非指朝家行朱舊章。又當彼時三日之內，如有可避，則避之，無疑。失周忌，肴會臣子，綿素心願，奉動物，是不祥。是以忌之耳。後年國忌，豈可與同乎？偏守一隅，不是通論。源朝臣等無復駁議，仍停至寅寅一取。茲辛丑焉。所帳丙辰是晦日也。公卿率百官，祓于朱雀門，始就吉禮也。八月丁

已朔釋奠 癸亥天皇御天極殿遣使奉幣
帛於伊勢太神宮 甲子信濃國瑞雲見
辛未月有蝕之是日詔曰无位橋朝臣奈良
麻呂倚伏難測既乃夜臺悼福祿之不長悲
忠貞之未遂宜寬典式貴幽憤可贈從三位
乙亥宗康親王加元服親王已下五位已
上賜祿有差 戊寅大宰府言對馬嶋上縣
郡行敷嶋防人等申云從去正月中旬迄干

今日六日當新羅國遙有鼓聲頃耳聽之每
日三響常候已時其声發動加以至干黃昏
火更見矣和曰夫不忘亡乱古人明戒將驕
卒惰兵機所忌縱雖无妄故不可不慎大宰
府言對馬嶋司言去處曆年中以東國人配
防人後又筑紫人配防人而並停處也當百
姓去弘仁年中疫癘多死急有寇賊何堪防
禦望請准舊例以筑紫人為防人者聽之

庚辰請百僧於大極殿轉讀般若經亦分
卅僧於真言院修法五箇員間諸司潔齋為
攘物性也 九月丙戌朔庚寅奉授陸奥國
從五位下多允都神正五位下勳九等石波
止和氣天神无位玉造温泉神无位伊佐領
美神並從五位下 甲午是重陽節也天皇
御紫宸殿宴群臣及文人同賦白露為霜之
題宴訖賜祿 丙申丙裏大產焉諸司行事

奉幣於伊勢太神宮例也 戊戌奉授從四
位下丹生川上兩師神從四位上 辛丑從
五位下朝野朝臣自吉為中務少輔從五位
下橘朝臣自根為侍從從五位下清岑宿祿
門繼為縫殿頭從五位下伴宿祿清貞為備
後守正三位藤原朝臣愛免薨大納言正二
位真指之孫贈左大臣從一位藤原朝臣內
麻呂第七子也太同年中為文章生屢獻應

詔之詩弘仁六年叙從五位下九年任近江
人尋遷民部少輔左右少弁累加正五位下
轉右中弁天長元年叙從四位下三年拜參
議兼中務大輔遷大藏卿五年正月兼下總
守三月罷大藏卿為春官大夫七年五月遷
式部大輔六月加正四位下任左大弁九年
六月兼左兵衛督十一月授從二位拜中納
言兼民部卿為入和柔不妄發念在於政塗

許為通熟兼和七年任大納言至九年秋連
速伴健岑謀反支出京外在山城國久勢
郡別墅而薨焉時年五十七賜紀伊國名草
郡人紀朝臣廣人廣成等朝臣姓甲辰始
置陸奥國鎮守府掌一負令帶刀把笏也對
馬嶋无位雷命神无位健男霜凝并比咩神
豐後國魚位早吸咩神無位高智保皇神日
向國無位都濃皇神並奉授從五位下丙

午天皇御紫宸殿皇太子侍焉左右諸衛府
其有奉獻親主公卿列立中庭謝座謝酒同
節會儀奏音樂宴訖賜五位已上祿 甲寅
肥前豐後薩摩三箇國壹岐對馬兩嶋並釧
賑給之 冬十月丙辰朔 天皇御紫宸殿
內宴于皇太子已下侍臣已上賜祿有差
壬申梅宮從四位下酒解子神一前平野社
一前預之名神 癸酉遠江國濱名郡猪鼻

驛家廢來稍久今依國司言遣使檢其利害
更令興復是日遣使奉幣於香椎廟為令寶
位無勳國家太平也是日公卿封祿復舊下
詔曰朕道昧司牧富教之風仍戲政乖雍熙
人之九載之貯往者冗旱為害秋稼不登顧
賑給之不周輒損服御之費而卿等志叶退
食切深權宜分折封祿以助公用是救弊之
緩急興邦之寔通焉朕雖谷匪躬之誠猶懷

色膏之愧適屬兼秋之頗孰知資用之稍支
宜所減祿封一復舊貫有司悉意副朕思焉
甲戌始賜諸陵圖書雅樂園池正親司印
各一面十一月乙酉朔癸巳地震以大僧
都秦景為僧正少僧都明福為大僧都律師
延祥為少僧都大法師實敏為律師大法師
真涌為權律師丙申遣叅議左大弁從四位
位上正躬王奉幣帛於賀茂神社為令國家

昌泰也丁酉以丹波國永上郡空閑地廿
町賜親子內親王巳亥攝津國嶋上郡古
荒田十八町八段賜時子內親王陸奥國磐
城郡大領備外從五位下勲八等磐城臣雄
公書生黑川郡大領外從五位下勲八等敦
伴連黑成並授從五位下哀公勤也庚子
任按畿內田使以叅議從四位上滋野朝臣
貞主為大和長官國守從四位下紀朝臣長

江彈正少弼從五位下丹墀真人門成爲次
官參議從四位下安倍朝臣安仁爲河內和
泉長官河內守從五位上清原真人遠賀和
泉守外從五位下菅野朝臣繼門爲次官參
議從四位上藤原朝臣助爲撰津長官國守
從五位下有雄王爲次官參議從四位上正
躬王爲山城長官國守從四位下藤原朝臣
長岡爲次官是日勅爲護國家於東寺令定

真言宗傳法職位并修灌頂宜告諸寺嚴加
捉搦若有違犯者一依養老六年七月十日
格科罪陸奥國白河郡百姓外從八位上勳
九等相造智成戶一炆改姓爲陸奥白河連
同國安積郡百姓外少初位下相造子押麻
呂戶一炆改姓爲陸奥安達連 十二月乙
卯朔下野國那須郡大領外從六位下勳七
等大部益野勸課農田一千五百七十一町

增益戶口二千四十一人國司哀奉備外從五位下以能登國郡內定額木興寺始為國分寺出羽國河邊郡百姓外從五位下勳八等奈良已智豐繼等五人賜姓大龍宿祢其先百濟國人也戊午攝津國豐嶋郡人左衛門府門部正八位上迹連繼麻呂式部位子從八位下勳八等迹連成人武散位正六位上迹連淨足式部位子少初位下迹連淨

水等七十人除迹字賜河力連姓高祖從七位上河力連生羽也祖父從七位上乙淨天平年中誤以迹丁字為姓矣檢庚午年籍復本姓焉奉授從五位下稍荷神從五位上辛酉從五位下雄豐王為宮內大輔癸亥人唐留學天台宗僧圓載之弟子仁好順昌與新羅人張公靖等廿六人未著於長門國奉授從五位下貴布祢神正五位下庚午

山城國正月吉祥悔過自弘仁十三年依官符旨於國廳修焉始自是歲復舊令修於國分寺 甲戌制彈正京職巡檢之日下馬之法相爭日久須當弼行事大夫及亮指馬請勘當至于進屬並依致敬忠并巡察檢校之日進屬進退一准弼亮相對之儀史生坊令不論位階惣猶下馬 丙子散位從五位上文室朝臣宮田麻呂之從者陽侯氏雄告官

田麻呂將謀反遣内豎喚宮田麻呂即副使參於藏人所即禁宮田磨于左衛門府分遣勅使左中弁正五位下良岑朝臣本連右中弁正五位下伴宿祢成益少納言從五位下清瀧朝臣河根左兵衛大尉藤原朝臣直道等於京及難波宅搜求反具是日諸門禁固焉 戊寅禁告者氏雄于左近衛府勅使等所搜得宮田麻呂京宅兵具弓十三枝胡錄

三具箭百六十雙劔六口難波宅兵器冑二
枚零落甲二領劔八口弓十二張胡錄十具
柁三柄弃置于右近衛陣 庚辰遣參議滋
野朝臣貞主左衛門佐藤原朝臣兵雄推問
宮田磨 辛巳山城國宇治郡白田一町五
段賜大中臣朝臣東子 癸未謀反文室宮
田麻呂罪當斬刑宥降一等配流於伊豆國
其男二人内舍人忠基於佐渡國無官安恒

於土左國從者二人和途部福長於越後國
并於牧磨於出雲國連坐僧神穀與牧磨共
流同處告者陽候氏雄特授大初位下任筑
前權少目以所告有端也元興寺傳燈大法
師守印卒和泉國入俗姓土師氏勝虞大僧
都之門徒也延曆廿四年年分具戒法師性
骨聰敏心神精明一經耳者諳而不忘暫觸
目者記而不漏精練法相兼悟俱舍焉論議

續日本後紀卷第十三
之座相敵者希六根之中鼻根最奇守印他
去間有人入其房守印歸來問之云向來何
人入吾房又見童子云汝食其飯驗之知實
焉鼻之遙聞皆此類也惜未昇朝家譚空化
一房之内于時年六十一

續日本後紀卷第十三

續日本後紀卷第十四

起十一年正月盡十
二月

太政大臣從一位臣藤原朝臣良房等奉 勅撰

十一年春正月甲申朔廢朝賀大雪也天皇
御紫宸殿侍從已上賜御被 丙戌天皇朝
覲太皇太后於冷然院讌樂終日賜扈從五
位已上祿有毛 己丑山城國上鐵甲一領
云伴甲冑布袋流著葛野川 庚寅天皇御
紫宸殿宴群臣詔授无品基負親王三品無

品宗康親王四品從四位下安倍朝臣安仁
從四位上牙位基伎王從四位下從五位上
長田王正五位下正六位上並山王鎌倉王
並從五位下從四位下橘朝臣氏人正四位
下從四位下田口朝臣佐波主藤原朝臣長
並從四位上正五位下藤原朝臣輔嗣良岑
朝臣本連並從四位下從五位下藤原朝臣
安永在原朝臣大津紀朝臣野長路真人永

名坂上大宿祢正野百濟王善義清瀧朝臣
河根並從五位上外從五位下大岡宿祢豐
繼伴宿祢真足豐岡宿祢真黑麻呂正六位
上藤原朝臣有負藤原朝臣三藤菅原朝臣
是善清原真人清海藤原朝臣菅雄紀朝臣
筑紫麻呂藤原朝臣松影藤原朝臣貞道道
真人繼足小野朝臣恒村秋篠朝臣氏永中
臣朝臣逸志高橋朝臣安雄飯高朝臣永雄

橘朝臣高成大和真人吉直丹墀真人博太
磨並從五位下正六位上高丘宿祢真人阿
保朝臣永善名草宿祢安成成治宿祢丹生
麻呂並從五位下宴竟賜祿有毫 辛卯於
大極殿修寂勝會授正六位上高階真人三
嶋磨從五位下從四位下藤原朝臣 講其太
皇太后
從二位陸奧國磐城郡木領外從五位下勲
八等磐城臣雄公戶口廿四人男十四人女

十人磐城臣負道戶口十人男七人女三人
磐城臣弟成戶口四人男三人女一人磐城
臣秋生戶口三人男一人女一人賜姓阿倍
磐城臣 壬辰皇太子入觀於清涼殿拜舞
給被授所生女御藤原氏從二位也 甲午
從四位上藤原朝臣長良橘朝臣岑繼並為
參議正四位下紀朝臣名虎為刑部卿參議
從四位上和氣朝臣真綱為義作守右大弁

如故 丁酉最勝會竟更引名僧於内裏令
論義訖施御被 己亥天皇御紫宸殿宴待
從已上覽踏歌畢賜祿有毫 庚子天皇内
宴於仁壽殿公卿及知文士五六人陪焉同
賦上春詠之題別有勅令三品基貞親王預
宴日暮賜祿有毫是日叙内教坊妓女石川
朝臣色子從五位下 二月甲寅朔日有蝕
之 乙卯除校田使從五位下筮朝臣教道

為山城國次官從五位下路真人永名為攝
津國次官 丙辰能登國言依去年十月十
七日官符以定額寺為國分寺訖望請停讀
師被給論師者勅依請許之 辛酉授外從
五位下阿保朝臣永善正六位上安倍朝臣
氏主並從五位下從五位下並山王為齊宮
頭正五位下長岑宿祢高名為兼權頭伊勢
守如故 壬戌行幸水成瀨野賜扈從群臣

侍從已上及根津國司等祿日暮乘輿廻宮
丁卯外親與公卿就大學行夏 戊寅行幸
交野賜扈從群臣侍從已上及河內根津等
國司祿日暮車駕還宮 己卯參河國言永
停任讀師以其布施物充用造寺料其法會
之時以國分僧牒次第行之者勅依請許之
庚辰掌侍從四位下大和朝臣館子為典
侍 三月甲申朔戊子外從五位下下毛野

朝臣田會磨為造酒正 戊戌但馬國上帽
子單衣腰帶草鞋刀子等一櫃其体樣早小
不似此間之物疑侏儒國物流著者歟 己
巳有勅召備後國權守從四位下善道朝臣
真真令入京 己酉天皇朝親太皇太后於
冷然院宴侍從已上賜祿有差 庚戌授從
五位下惟良宿祢春道攝朝臣負根並從五
位上從六位上內藏忌寸雄繼外從五位下

夏四月癸丑朔 天皇御紫宸殿宴侍從
已上賜祿有差 壬戌太宰府言管木隅薩
摩壹岐等國嶋選入任職木小是同除災祈
福彼此不異方今北國皆有誦讀師之職修
正月安居等支而作國嶋既無誦讀之職選
失鎮護之助加以國分二寺雜物觸類類多
既無綱維令誰檢領望請准諸國之例置講
讀師者府司商量所陳有理望請准管內諸

國博士醫師之例府司於觀音寺與彼誦師
共簡誡部內精進練行智德有聞堪任誦經
終始無差者將補任之者勅誦師者依請補
任讀師者莫更置之但安居看會之日依延
曆廿五年三月格以國分僧次第誦之 丁
卯從五位上三嶋真人岡麻呂為散位頭
庚辰天皇御武德殿覽諸牧野馬及騎射
壬午參議式部太輔從四位上滋野朝臣貞

主以在西寺南居宅一區捨為道場仍言私
建道場是格之所禁也雖是舊宅事似新建
但此家之為體前臨測水後備佛地去寺迫
近殆同柳藍九寺邊二里本禁殺生而家人
奴婢動事澳經近寺之弊還犯憲法望請使
入西寺命為別院名其曰慈恩院東大寺
僧傳燈住位圓修永為別當三綱在別人自
此以後別當三綱隨檀越願令宛行之者勅

聽之 五月丁亥天皇御武德殿覽四衛府
射 戊子御武德殿覽中衛府騎射種種馬
藝 丙申甲斐國言山梨郡人伴直富成女
年十五嫁鄉人三枝直平麻呂生一男一女
而兼和四年平麻呂死去也厥後守節不改
年也四十四而攀号不止恒事齋食敬於靈
床宛如存日量彼操履堪為節婦者勅且終
身免其戶田租即標門間以旌節行 戊戌

越前國飢遣使賑給之。巳亥參議從四位
下正躬王為兼遠江守左大弁如故。辛丑
淡路國言他國漁人等三千餘人賣王臣家
牒群集濱浦寃凌土民伐損山林雲集霧散
監惡不休又官舍驛家皆在海邊而接居波
間譬猶魚鱗縱有大災可難撲滅勤加禁斷
國力不足望請官符皆悉禁制官宜嚴加
禁止勿令更然如不遵制旨尚致濫猾立加

史哥以懲將來但所犯之罪杖罪已上者勘
錄所犯及姓名早速言上。壬寅武藏國言
多摩郡猪江鄉戶主刑部直道繼戶口同姓
真刀自咩為同鄉刑部廣主妻生四男三女
經光一年夫乃死矣真刀自咩居喪有禮
死如生墳側結庐晨昏悲泣推移穢月終始
不渝見其操行可謂節婦者勅宜特授位二
階兼終身免同戶田租。甲辰奉授山城國

水主神從五位下 六月癸丑朔天皇御紫
宸殿宴侍臣賜祿 丙辰奉授伊勢國正五
位下多度神從四位下若狹國飢遣使賑給
之 巳未太宰府獻白鳥一雙 丁卯日本
紀讀畢 戊寅主水司言司家之政觸類繁
多而本自無印只用白紙夏涉輕疎未免嫌
疑望請准內膳采女等司被給件印者勅宜
宛之 庚辰正五位下伴宿祢成益為兼左

中并大藏大輔如故 甲申出羽國家上郡
人外從八位上勳七等伴部道成男外及初
位上勳九等繼益白丁吉繼秀益繼守同姓
勳九等福尊等七人賜姓吉弥候 秋七月
壬午朔癸未任左右大臣詔曰天皇 我 詔旨
止 良乃 宜大命 乎 親主諸主諸臣百官人等天
下公民衆聞食 止 宜食國乃法 止 定期 止 行
賜 倍 留 國法隨 亦 先立先立 止 從二位源常朝

臣每左大臣官尔任賜布又宣久正二位橘

氏公朝臣波於朕天近親毛尔在又可仕奉倍

次尔在尔依毛天右大臣官尔治賜止久勅多不

天皇大命乎衆間賜止宣又勅日在唐天台

請益僧圓仁留學僧圓載等久遊絕域應之礼

旅資宜附圓載備從僧仁好還次賜各黃金

二百兩者取司准勅分付如前辛卯從五

位下鍊倉王為少納言癸巳請百僧於八

省院轉讀大般若經初耳雨是日雨降閏

七月壬子朔天皇御紫宸殿四衛府獻物宴

五位已上賜錄有差戊午天皇御仁壽殿

令奏林邑樂未曾覽此樂故也辛酉左大

臣從二位兼行左近衛大將皇太子傳源朝

臣常上表曰云云優詔不許壬申奉幣伊

勢太神宮祈防風雨災癸酉左大臣源朝

臣常重上表曰云云勅書於左大臣曰所表

具之堂高則階遠爵貴則祿優二者之來一
定之道而卿深監損挹固守冲屈減封之請
前後累通朕與卿昆季義兼家國偏行則公
議不聽兩遂則私情難忍雖賞輕德重自先
害盈之嫌而汎分枝連欲益福謙之利故屈
之于此申之于彼以元來望宜知此意八
月辛巳朔 天皇御紫宸殿覽芳且花宴老
臣皆有復古之歎日暮賜五位已上衣被有

差 乙酉文章博士從五位上春澄宿祢善
經大内記從五位下菅原朝臣是善等被大
納言正三位藤原朝臣良房宜備先帝遺誠
曰世間之事每有物性寄崇先靈是甚無謂
也者今隨有物性令所司卜筮先靈之崇明
于封兆臣等擬信則忤遺誥之旨不用則忍
當代之咎進退惟谷未知何從若遺誠後有
可改臣等商量改之耶以不否由是略引古典

證據之文曰昔周之王季既葬後有未而成
變文王尋情奉之也先靈之崇不可謂母又
有幽明異道心度相違者如北齊富豪梁氏
是也臨終遣言以平生所愛奴為殉家人從
之奴蘇言忽至官府見其亡主主曰我惟亡
人得使奴婢於遺言喚汝今不相關當白官
放汝謂家人為我修福云又春秋左氏傳
魏武子有嬖妾無子武子疾命其子顛曰必

嫁病困則更曰必以為殉魏顛擇之從其治
也謂病未至也遂待老夫結草之報尚書曰女則
有大疑謀及卿士謀及卜筮白虎通曰定天
下之吉凶成天下之慶慶莫善於著龜列梁
辨和同論曰夫事有違而得道是以君子之
於事也無適無莫必考之以義由此言之卜
筮所告強不可信君父之命量宜取捨然則
可改之復何疑也朝議從之 癸巳幸北野

駐蹕於聖林院閱覽池塘錫宴群臣日暮還
宮 乙未紀伊國名草郡人右兵衛從六位
下紀堪臣清繼賜姓紀朝臣 丁酉奉授陸
奥國无位勲九等川田領神无位鼻節神並
從五位下緣有靈驗也 庚子嵯峨太皇太
后不豫遣中使奉問起居 癸卯丹波國多
紀郡人看院主典從七位上常澄宿祿成主
改本居貫附左京一條二坊 九月辛丑朔

雨快降先是不雨也久并泉涸竭故今人人
以為喜澍 己未天皇御紫宸殿宴重陽節
公卿已下至六位文人同賦問秋光之題訖
賜祿有差 庚申外記曹司廳前白虹見
丙寅近江推守從四位下藤原自主卒也南
朝參議從三位大藏卿楓磨之孫從五位上
園主之子也弘仁十三年叙從五位下頻經
内外官所在必著治迹屬兼和九年近江國

關門嚴固時負主居其國以被叙四位使任
權守立性濕慧益政幹海雜案廣成堆庶務
猥積而飲酒之興不曾休廢醉後弥明割新
如流故吏民不敢欺之卒于時年七十 戊
寅從五位下長岑宿祢秀石為豐前次 冬
十月庚辰朔天皇御紫宸殿宴侍從已上賜
祿有差 庚辰左京人玄番助從六位上日
置宿祢真淨造輪田使主典大初位上繼大

初位上國長太初位上益繼元位淨海等賜
姓三統宿祢 十一月己酉朔辛亥奉授紀
伊國從五位下志摩神伊達神靜火神並正
五位下賀茂縣生廣友等疑云所謂鴨川從
二神社指南流出而王臣家及百姓等取鹿
羹於北山便洗水上其未流來觸神社因茲
汚穢之崇屢出御上雖加禁制不曾順慎且
自當國迄于河源嚴加禁斷若違犯者禁其

身申送國郡司并祿宜祝等許容之者必處
科 壬戌參議從四位上滋野朝臣貞主為
兼勘解由使長官式部大輔讚岐守如故
丁丑行幸水成瀨野山城檜津河内等國司
執御誓遷離官賜扈從臣及國司等祿日暮
車駕還宮 丙戌山城國紀伊郡人未使逆
曆改本居貫左京三條 丁亥奉授從五位
上稱荷神從四位下 壬寅散位從四位下

勤七等坂上天宿禰鷹皇卒 壬午除班由
使參議從四位上正躬王為山城國長官參
議從四位上滋野朝臣貞主為大和國長官
刑部大輔從五位下丹墀真人門成為次官
參議從四位上安倍朝臣安仁為河内和泉
兩國長官參議從四位上藤原朝臣助為攝
津國長官是日從五位下笠朝臣敷道為丹
後守 癸未左京人大政官史生從八位下

楊津連第主内豎无位揚津連繼吉賜姓恒
世宿祢 乙酉天皇御八省院祭遣奉幣使
於伊勢太神宮 戊子振津國言依去天長
二年正月廿一日美和二年十一月廿五日
西度勅昔定河邊郡為奈野可速建國府而
今國弊民疲不堪免役望請停速彼曠野便
以鴻胥館為國府且加修理者勅聽之丁酉
行幸水沼野及行河山城國司獻御贄賜



扈從侍從已上及國司祿有差日暮車駕還
宮 壬寅越前守從四位下岑成王犯罪當
官解任岑成王初赴任之後乞暇入京隱居
不上^差取司奏劾之^一

續日本後紀卷第十四

